



柏鄉魏念庭著

懷舫集

本衙藏板

憲副柏鄉魏公刻詩古文辭成問序於
潛以潛嘗辱文字交且授經官齋知公
者歎深也公為太傅貞庵公令子身濡
目染庭訓既深而天性淵穎足以窮探
古今之奧蓋自六經諸史旁及天文地
志裨官野乘與夫浮屠老子醫藥卜筮
之書靡不披覽及長而宦游既人吏決

和于凡所過名山廣川長林幽壑皆探
歷憑眺而隱人盤桓之谷者碩幽貞之
廬必折節延訪與之上下議論故其發
為文章得載籍之腴江山之助友朋之
益卓然自成一家之言也潛嘗謂天下
之事不嗜者不可以終日嗜之不深者
亦不可以終身公於文章為飲食為嗜

欲每見其坐堂皇治吏事朱墨紛紛若
不暇給而裁決勾當之餘退處小閣則
縱筆所之洋洋纒纒頃刻成數千百言
即至失意大吏倉皇去官賓客解散侵
侮叢集而公摩丹漬墨歌嘯自如并異
於作易者之憂患作詩者之發憤於此
見公之性情篤嗜而定識定力非小小

得夫可以搖撼而陵奪之也嗚呼是可
與終身焉者已公有懷舛詩集若干卷
續彙若干卷擬唐人試帖一卷古文集
若干卷詩餘若干卷詩不名一家高者
闖入少陵文澶漫瀟森得之莊蘇詩餘
佃漢宋人要之有君形者存異於世之
優孟蒲醜為工者皆太傅公為盛朝元

老闡程朱正學倡率天下其為文原本
衍術可謂醇而無疵者矣今公以魁偉
跂蔚之才之學上承前緒雖因文立言
不專明道而能傳世行遠軌龔雖殊各
臻峯極後有作史者列太傅公於理學
應列公於文苑公之克家不必在語言
文字之同也外此公所註釋者有大易

四子道惠南華諸書尤縻歲月用全力
而成者茲不及論論詩文集云雍正丙
午九月長洲後學沈德潛拜撰



懷舫詩集序

詩之為道與政通古者天子巡守命太史陳詩以觀民
風列國卿大夫相聘問稱詩觀志詩教之興有由來矣
三代而下古道不復流而為騷賦為樂府比事合情猶
未失變風變雅之遺意也唐因之設科取士工比耦而
重聲律溫柔敦厚之旨寢微由宋而後改為制義本意
在黜浮華重經術而少年治經生業志在躡取世資竟
不知四始六義為何物比入官顛冥於富貴利達之塗
即有屬意風雅亦藉以博名高供酬應授以政而不達
詩道陵夷不已甚乎至明何李康薛之徒出力追古始
競尚元音可謂盛矣然亦不過頡頏三唐蹈襲漢魏止

耳而於古人所謂言志道性情則槩乎未之聞也孔子論學詩謂可以興觀羣怨邇之事父遠之事君此何等大事苟不辨其志所由來則是木偶衣冠精神了不相屬於興觀羣怨乎何有故三百篇之詩人皆三百篇所自具之性情也而蔽以思無邪之一言性情既正何施不可事父事君特舉其大者耳吾曩嘗以是讀

柏鄉貞菴魏先生嶼舫詩集而切有味乎其言也先生為

國朝賢相首開理學之宗從先進振大雅而志在濟時利物致君澤民故隨其性情所出歌咏所及皆足與星斗齊光川嶽匹靈非苟焉而已也

郡侯念庭魏公才得之天挺學本之家傳以詩禮為箕裘以翰墨為弓冶故其為政也無非饑溺由已知覺及物以為志德威德明悉有明效公餘理咏不輟所著有懷舫詩集若干篇程法不易而巧裁若新色澤相映而生機自如名以懷舫從先志也事父事君兩盡其道所以為教不亦大哉禮云善歌者使人繼其聲善教者使人繼其志相國之謂歟夫孝者善繼人之志善述人之事郡侯之謂歟以是紹聞衣德言以是世濟其美以是化被海隅行且登歌清廟載咏明堂與卿雲復旦之什並昭千古豈止敷教下邦而已哉明章得與康衢野老鼓腹擊壤於光天化日之下有不知誰為之者是為序

康熙甲午初春上浣日丹霞八十六叟後學詹明章頓
首百拜撰

懷舫集總目

詩集 十二卷

續集 四卷

別集 六卷

詞 一卷

續詞 一卷

雜著 文賦 雜作

聖恩 恭紀 詩

擬唐人試帖詩

續廿一史彈詞 有明一代始末全紀

雜曲 未刻

封禪記傳奇 未刻

存稿 時藝另輯



以上共十種

長兄蒼霞詩集附

懷舫註解諸書總目

四書通解 二十冊

易通 八冊

性理遵訓錄 四冊

道德經註 四冊

南華經註 十冊

鬼谷子本經陰符註 一冊

靈樞經通解 六冊

素問經通解 八冊

張醫聖全書註解本義 金匱要畧 四冊
傷寒論 六冊

心經註解 一冊

硃批杜詩 四冊

硃批楚詞 一冊

以上共十二種

懷舫詩目次

卷之一 古近體詩

采石磯登太白樓

送人漠北從軍

冬夜不寐

慰友人目疾

中山途次

睡詩

述懷

長夜

正月十四夜悶坐

春夜月下二首

遊梁金吾不蕪園

真定歸途口占

登大悲閣二首

春暮有事鎮城見故宅丁香獨妍荒逕賦此誌感

寓鎮城舊宅見新月

遊大陸澤二首

晤蔚州四宗兄話舊

雨竹

送嚴惕齋歸省

擬古九首

自述二首

咏扇頭虞美人花

秋閨月

途中咏雪

紀遊

雁字十咏

秋夜留王逸菴小酌

贈別母舅贊翁

已卯初秋客都下

冬日宿寧昌鄭獲翁書屋閒話

立春途中偶成

晚過新樂河

慶都道上雪後車行

蝶

蜂

鶯

燕

喜雨

早發松林店書見

涿州北書見

京邸述懷

月下舟行二首

卷之二

賀吉水省齋司寇二百韻

和朱悔人咏新城司寇庭中花木四首

渡滹沱

過正定憶雕丘居士梁香林

由定州道北上

近京口占

初授官十二韻

留別冀任中姊丈兼慰家姊

磁州途次見稻將熟

邯鄲懷古

贈杜瓜里

泗盱勘水賦感

盱眙玻璃泉

湖邊聞笛

碧山湖水神廟前泊舟風阻

贈盱眙彭廣文

淮河東下

金陵懷古

送蘭州黃琅書之任

壬午除夕在蒙城賑饑

癸未上元泊舟亳城

燈花

行路難

京師雜感三首

督運舟行雜感二首

留別家農部仲兄

留別都門親友

瘦馬

衰草

釣突泉步先運司伯父原韻

桃花篇

登岱

立大夫松

海燕篇

過明仁祖陵感賦四絕句

觀魚臺

石塞

見餓殍

和韓寄菴韻答贈

再宿舊縣寺

咏古九絕句

過合肥李文定公墓

重到廬州

呂亭驛曉雨山行

途次口占

練潭旅寓和孫穎州原韻

廬州道上

晚行湖中

春日村庄

秋日遊禪窟山寺

送臨淮高令艱歸

鳳邑陸君邀陪臣翁堂臺遊賞有序

卷之三

漫題四首

宿紅心驛

關山

除夕前二日漏下十刻渡江宿江樓

萬家山

小憇定林寺

丙戌新夏題張玉菴表姊畫冊後

桃花三篇

舟中晚行

江上甘露寺

宿芙蓉嶺

輿簾

胡氏園亭

初秋登采石磯太白樓

初秋江陵歸途

初秋自酌

卽事

晚宿西山驛

赴皖途次寄遇安

送九畹戴子赴京有序

雨夜宿烏衣僧舍

丁亥初冬寓茶菴偶成

仲冬月朔日盱山道中

賑飢天長曉發和周旅亭韻

和東坡四時詞原韻

哭先兄臨洮憲副蒼霞公四首

金陵夜成

金陵返棹感賦

南都買梅携歸賦絕句八首

清流關口占

雪途感述

田婦赤脚踏泥

山行

寄仲兄磐菴出守岳陽

戊子初春偕周旅亭暨兒輩遊明仁祖陵用杜少

陵崔氏東山草堂韻

初春舟行仍用前韻

舟中慰歌者病仍用前韻

和吳旦清近體十首有序

卷之四

送歌者歸白下

古意

暮雪宿桐城村

雪行盱山歸途宿圻橋村舍

和方亮書二律

夜雨早行口占

戊子除夕

過東平

改官後別金陵之作

己丑元旦自述

元夜短歌簡友人

懷古四律

淮揚舟次雜興

瓜埠江口即事

遊金山江天寺觀

御碑

三岔河

燕子磯

歐梅

懷署小亭望荆塗二山簡舊令沈翁菴

賦得無可柰何花落去四首

喜崔子允公同舟遠送賦此誌別

題畫 和馬馬卿苦雨原韻

積雨米貴作歌簡吳南英解元

贈姑蘇顧門陳女 刈麥謠

拾麥謠 大梁渡河有憶

渡漳河將至舍簡同行依菴上人

過崇光寺簡依菴上人 憶白下

七夕花燭 上少宰李山公世文

古簫行 瘦馬歌戲呈贊旃家舅

已丑臘日改補閩郡都門諸戚友釀筵見祝賦此

答謝

已丑除夕 久客都下自嘲

庚寅元夜偕眾連宵出遊都市歸寓漫成

上僉憲屠公

宋楊誠齋有眼到天南最盡頭之句余出守閩漳

感而成詩留別輦下羣公

送友人胡希山路遇安南歸時有村優侑觴

暮春南村觀社感舊

題美人以落花砌成情字被風吹去

馬陵道口占 書見

聞歌興感即席漫成 姑蘇懷古四首

清湖放生崖登眺

卷之五

仙霞嶺

嶺路口占四律

長竿行

灘河舟行

夜雨曉成

龍江村舍

暮行雲霄驛

過不孝嶺口占

分水關

和詔令高怡藜原韻

陰雨早渡雲霄驛河

重九簡齋友

梅村有天涯歌舞惜流年句即席賦呈座客

同安嶺路中早行偶成 宿船廠

庚寅除夕漳南郡署 辛卯初春泊海昌微雨

元夜瀨溪舟次

三山道上有懷清漳詹義士

烏龍江 即席贈子敬家兄

紙鳶 登道山謁忠貞公祠

和吸江樓八詠詩 西郊

洪山驛亭送客 自述近事

返漳郡再渡烏龍江 瀨溪道次

歸署途次漫興 過墓

返漳口號 洛陽橋

漳平道上作

宿靖邑吳氏園亭主人未遇

夜泊高磔溪

辛卯夏五澄令韓君邀陪司馬范公會飲海宴樓
三首

秋日藩憲邀請無督兩憲驗帑射飲恭紀十韻

尚書嶺路遇秋闈歸士 重陽憶兩先兄

漳南九日虎磴登高得吟字賦呈雅集諸公四首

虎磴登高歌贈友人 辛卯生日

立春後一日小憩僧舍壁有長公憶西湖詩

辛卯除夕

卷之六

鏡中花 壽遇安駱友

夏日漳南山行 過泉州晚宿洛陽

常思嶺 遊鼓山途次口占二首

秋夜三首

壬辰九日虎磴邀魯觀察登高四首

雨夜 自述二首

冬日曉行小營嶺 贈俞閻選卦師

題周觀察像 再過烏龍江

長至後歸途自嘲

興化城南多古墓感題華表上

東嶺山行遇同安朱明府時以養親請去感而成

詩

萬松關

重憩山家

壬辰除日郊迎撫軍口占

癸巳新正見月

梨花白雪

賦得出郭溪山好

春分同諸友福河夜遊

馬坪道中

雨中漫興

四月初八日壽遇安駱友

楊柳風

梧桐月

芭蕉雨

梅花雪

數月間鬚髮蒼然酌酒自慰

村舍見梁燕哺雛有感

水潮口登舟晚行憶京師

籠雀為兒童所飼日久放去不飛招之復至感此

有作

六月晦日雨中述懷四首

入湧泉寺和櫟園先生韻二首

秋日新室偶成賦以誌懷用少陵寒雨朝行視園

樹韻

中秋歌宴竟夜燈明月皎賦以誌盛

獨酌

漳南十景

卷之七

同趙思皇舟行宿瀨溪

所憶

春日再過洛陽

有寄

作吏

署中仰文樓成

用香韻

自述

夏五漳署引優侑神值小恙感懷

先嚴忌日偶成

雨後同龍溪江大尹遊憩南寺深賞余蒙城除夕

詩回憶已十年矣賦此答之

送孟朴菴之任滇南

枯坐四首

午秋遊瑞竹巖

遊雲洞

水口借宿小樓偶感

洪山橋舟行

近困關有白雲寺洞愚公上人開建時已西歸矣

乘暇偕興化泉州兩同寅往遊學使張涵六繼

至敘此記之

乙未年再過分水關有懷

春日有事南詔四首

上元

夜行羅山嶺

夢中

海行

舟回

勸農口吟

修戰船

擬白紵歌三首

步禱岱山寺夜壇祈雨得雨

祈雨宿岱山寺

放鷺

偶拈二絕句

春日齋宿岱山寺祈雨雨足放鷺中元日設醮禮

佛復值大雨到寺白鷺無恙喜而賦此

花有清香月有陰

赴海澄來往順風朝去暮返

抵海澄贈令君韓

送希山胡先生歸吳門

聞薦擬行

盤倉口占

交印卜行

去漳赴郡

馳馬

生日長福途次

榕樹

行路難

別離難

自題四律

見雁

黃田驛

見雪

卷之八

唐人李頻有故園歸去及新年之句感而有作四

首

吳門贈周自牧

丙申上元泊瓜州江岸

城西

張日容太史招飲賦贈

贈陳滄洲

由家赴任南徐

大柳驛牡丹

虎阜

寒露夜舟行

由三汊河舟行赴儀真

儀真夜泊

王培青同學至鎮

十月十五夜月

月夜舟行

丹陽岸傍僧舍題壁

聞調任海疆有作

上制憲赫大人二十韻

晉謁後再呈十韻

簡蘇州太守梁敬仲

遊花山

贈梅定九先生

贈楊大瓢

寒夜吳門選歌雅集

冬日雅集喜梅定九楊大瓢先渭求在座

題先司馬槐川精舍圖

贈劉荻江

問年

和先渭求贈詩韻

京口雜占

戊戌春初官齋小集

新齋成疊石為山賦記

戊戌春日再泊吳門

眼鏡

水木明瑟園訪殘梅贈主翁陸元公

題楊大瓢小照

春夕二首代

答沈礪士

時館於署

白燕

崇川秋興四首

遊太倉相國東園

崑山舟次二首

崑山紀遊

逆風行

泊百花洲

卷之九

和方亮書隨冊使赴琉球

省路雜興八首

吳越行贈仲容兄南遊

己亥元日省行用昌黎苦寒詩韻

春雪

贈姻翁薄聿修奉

使南鎮祭告

春興二律

夜行惠山

競渡

讀杜詩渡崇川作

蟋蟀居壁

苦熱有感

登崇明城懷沈確士

無題代作

答贈

吟詩

拙計

新秋

七夕

過明孝陵

秋齋

送梁從彥北歸

贈金陵林宗漢

塵靜

旅夜讀史

扁担沙勘界己亥冬至

和雲岑兄焦祠祈夢韻

九月八日舟次雨中呈雲岑兄

九日

又作

滄浪亭弔蘇公

夜出胥門元墓探梅二律

到山入聖恩寺小留即返

元墓歸途雨阻不得赴靈巖

舟迴湖百花洲

贈鶴山老人

贈滄浪澄禪師暨自勝首座

纂蘇子美滄浪亭記為短歌

庚子元旦後旬日偶作

梅村有天涯歌舞惜流年之句當筵偶賦時在崇

明

卷之十

紙鳶

染鬚自嘲

虎阜前溪夜泊

賦贈楊景山

補遊靈巖二律

赴山途次口占

遊山朝雨暮晴三十年前僧徒多物故矣歸舟感

賦二律

西子歌 代西子作

由蘇至望亭轉赴姑熟喜見虞山

秋夜

省歸述見

謁明太祖陵

途次

省歸自計

庚子九日

秋日偶成四律

十月朔

官責

有寄

古重陽後十日赴沙海 九月晦過揚州二首

旅舍題壁

送詩人劉荻江從軍隴西

荻江新詩百餘首遍記所交姓名戲贈之

擬古十二首 用青蓮集中韻

扁担沙月夜二首 海圻

辛丑臘月立壬寅年春後赴省四律

歸鎮接待人寄詩因而和答 附侍人原詩

廿八夜舟迴鎮城 官閣

遊支硎

雨夜舟次時攜家赴崇

代侍人和韻

卷十一

讀東坡和陶詩意致殊不類余因亦成七首更逕
庭矣固古今人不相及但詩以言志正不必強
同耳

涼快二首

立秋前夕

觀蓮

崇署西塘

立秋後數夕

二更看月

立秋後宴客不為進酒戲成

秋熱

米貴行

茉莉

同杞楠數珠賦贈侍人

人性

余兩兄俱亡有子八人散居他所孑然一身獨處

海外因次坡公和陶連雨獨飲詩二首以白廣

讀蘇和陶詩

述懷用坡公韻

遠取諸物依韻再成一章

近取諸身依韻再成一首

江南十首

木龍行

秋懷詩

陽山祈雨

和萬齋季兄哭學憲伯兄詩即以送別

和覺菴叔咏菊原韻即以送別

江城晚眺

辛丑九日

九日重題

潤城秋興八律做歷下體

卷十二

辛丑春初省行雜吟四律

寒食後同諸齋友伯翼兄虎丘遊觀因念先壠缺
祭掃之禮為之愴然

三月十七日再赴崇沙 閱唐人北里志有賦

簡王似齋兼邀其長郎 江寧懷古

路柳 雨中栽竹

贈陳滄州 二首 新詞

夏夜舟次 夏日抵蘇

蘇州太守上任 梁太守 樞歸里 婁江東行 用蘇詩 韻三首

閏六月再赴崇渡海 崇署讀書用蘇詩韻

有寄

漫興二首

崇明構室成自嘲

壬寅新秋

返棹

中秋夜半作

病起

金陵往返二律

重陽于役偶賦

登浮玉山覽中州老人黃山賦俱集古句而成又

有游山詩四首深懷感慨作此擬贈

舊有人老看花偏愛菊之句用成三律

又成二短句

自題小照

再題小照

醉吟

獨酌二首

恭輓四章

壬寅除夕

癸卯上元舟行

陰雪吳閭

春寒

寄署二截句

虎丘買盆梅舟中戲賦

咏梅二律

春日江寧路上

宴遊藩署後園園故明侯邸也夜宿承恩寺因感

廿年一瞬賦此述懷

贈方一葉

春日上清河

又賦七律一首

江寧詩家周櫟園杜茶邨後人皆淪落矣憶舊有

詩

舟次雜感四首

過江望維揚二首

廢廟

西郊

已亥中秋後送母北歸拜別維揚迎老母到闕

署再成二律

東歸二律

東歸後二律

太倉北港阻淺

渡海

摘印

投閒

擣衣

步庾開府韵

懷舫詩集卷之一

采石磯

回首家千里秋思動客哀蒼煙迷古嶂斜日落荒臺鄉
夢勞魂去輕寒逼一雁來人歸黃菊老春雨負新栽

送人漠北從軍

感策聲高子夜闌龍沙八月北征難錦袍掩映刀瘢舊
寶劍零星戰血乾雪窟幾灣燐火綠關山一抹陣雲寒
謀生方信儒冠悞紫塞風霜耐飽看

冬夜不寐

朔風吹雪打空牕紙帳侵寒布被涼伏枕雞聲悲晚歲
凌虛蝶夢怯嚴霜新詩幾字難全穩舊事多年已半忘

抱膝吟成還白賞觸屏童睡到羲皇

慰友人目疾

障礙無如二豎何紅霞汗漫覆秋波酒杯零落來愁思
書卷拋殘慰病魔阮籍狂歌青目少賈生痛哭淚痕多
嫦娥靈藥如堪竊欲泛雲槎到月窠

中山途次

黃沙十里緩歸鞭水匝孤城草接天遣興漫成驢背句
看山不費杖頭錢雲攜疎雨征衫濕柳黯春原落照懸
絕少玉珂鳴紫陌豪華慚愧五陵賢

睡詩

人生何日不黃梁豈必邯鄲始睡鄉避世若能忘晉魏

支牀自可認羲皇有無達士眠先覺多少勞人夜未央
獨笑楚王難免俗沈沈但解夢高唐

述懷

白月挂屋角霜花落晚圃索居媿無營行吟玩歲暮哀
笛發清商空堂寒欲雨蕭蕭四壁來秋聲在簷樹彭殤
理齊觀百年總朝露行樂及芳時丹砂古貽誤

樗木乏雕鏤駑馬多顛躓所值有榮枯遭逢異鈍利國
士豈無雙一遇良非易不借金張援何伸縱橫議裘敝
舌徒存立談亦兒戲

太平五十載羣情尚通融相期渾圭角遂爾成世風堂
廉重咨傲浮沈將安窮屠釣多高隱曠野集哀鴻悵望

君門遙誰為誦二東

長夜

長夜挑燈感素期昔年我已全非壯心猶逐晨雞起
傲骨羞隨塞馬移問俗悲歌燕趙在連床風雨友朋稀
野鴉棲盡長林樹孤鶴還容借一枝

正月十四夜悶坐

寒光中夜脫重雲僻巷笙歌靜不聞沙道舊傳宮燭冷
珠槽偶得醉顏醺蹉跎比歲歡場減水旱頻年樂事分
遙憶五侯歌宴處銀花千樹火雲噴

春夜月下

月靜垂簾白雲輕貼屋浮臨風禿髮冷顧影壯懷羞詩

格齊年老才名疎世求何人寄靈藥清興隱滄洲
塞外兵戈滿愁中霜雪侵半春辜好月三十老名心短
燭殘花結寒輝清漏沈樓頭誰弄笛驚起樹栖禽

遊梁金吾不燕園

百年傳樹隱下馬問名園苔色侵蝸壁香風靜竹垣雜
花供客醉徑草向春繁故姓今存幾休移喬木根
春色留閒圃幽雲宿古軒拂塵讀壁字藉草扣王孫兵
甲移前代丘陵起近原蕭然沙道冷寥落故侯門

真定歸途口占

驛路楊花撲面飛渡頭柳色映征衣風來小市青帘起
日下西山黃犢歸老驥泥塗嘶道遠殘黎晴陌苦春饑

功成競勒燕然石誰恤哀鴻滿近畿

登大悲閣

晴空極目遠飛煙浦雨山雲法界懸繞閣白毫包萬象
掉頭紅日近諸天浮生已悟淪塵海清籟還疑接閬仙
西望羣峰皆拱揖朝嵐同我愛逃禪

佛宇高憑塵境超凌虛凡想逐雲飄一天花雨呈龍象
萬竈炊煙擁市朝檻外河流明練遠窻中山色列屏遙
登臨自覺空諸相獨有談詩障未消

春暮有事鎮城見故宅丁香獨妍荒徑賦此誌感
庭花春老為誰紅無主香魂怯曉風隨我移根向山縣
莫常冷落舊居中

寓鎮城舊宅見新月

斜月細如鈎樹底窺窻冷獨有歲寒人相看憐瘦影

遊大陸澤

月斂星朦大陸煙漁燈明滅水村邊蘆花滿岬迷歸棹
犬吠溪邊好繫船

夜泊沙村風月清霜沈魚窟起龍腥篷窻伏枕看牛斗
幾點寒光徹夜明

晤蔚州四宗兄話舊兄環溪宗叔季子也余年十

五謁宗叔京邸有拾芥朱紫之許

十年過夢事都非雲影千重雁序違蕭寺驚看鬚鬢改
中朝漸見老成稀投珠今日誰青眼拾芥前言媿褐衣

篋內遺編須各重莫騎欵段逐輕肥

雨竹

細雨看孫竹蒙茸淺碧生輕陰分短壁清響入虛楹綴
葉明珠小浮根春水平何年方結實雛鳳飽華菁

送嚴惕齋歸省

送客張筵雨乍收渭城疊唱慰離愁官齋似水歌歸去
劍蒯侵霜賦遠遊祖帳晚嘶燕市馬布帆早渡楚江舟
三年南北頻離合過夢驚看歲月流

擬古九首

微風起樹末深堂自仰偃開書見古人我情忽已遠黃
農沒既久頽瀾何代返五十始知非應傷歲月晚按劍

成片語獲報在一飯百年彈指間恩怨何往反

地以美難處名因盛可諱今人棄淡泊所志在富貴蔚
然天外雲灼彼林間卉誠堪邀世羨風霜亦足畏

東隣有貧室季女年及嫁覽鏡惜顏色常遭醜婦罵無
緣恥自媒顛顛空窻下陋巷車馬喧珠光輝寒舍猶是
昔年身一朝忽無價

映門樹高柳半畝閒綠雲雨餘風月涼蟬聲入晚聞十
年故交少垂羽感離羣往事一回首空嗟世變紛行行
蓬華中身隱焉需文

美人坐深堂倚瑟發哀調曲終態復妍對客含輕笑朱
顏無藥駐華髮羞懸照江頭逢故人白首非年少爲君

理舊絃甘讓新聲妙

趁曉耕山原兩牛鞭汗血未雨鋤新苗蔓草早枯絕辛
苦已卒歲衣食計轉拙厚德無顯名力田或貧竭乘除
有微意盈虧事更迭勿謂首陽菜不及郭家穴

秋烟淡無色秋山空積翠扶杖看飛鳥來去心何累胡
為稻梁謀卑棲傷况瘁作巢百尺雲飛鳴愜素志居高
勢轉危常令鷹鷂忌何如海天外繒繳可遐避

良璧掩荆石香草生空谷本以供幽賞豈堪入俗目人
生重知己羣情盡碌碌一顧光色滅終身罹慚慙寧抱
刈蘭傷勿遭獻璞戮

曝書晴簷下鋤藥雨畦中吟哦抒夙抱非言詞賦工草
不復作此道久蒿蓬

自述

秋雨連宵困夙醒居貧九月葛衣輕馬周失意澆醇酒
杜甫依人媿冷羹華髮有親思薄祿青雲無徑附微名
惟餘清白遺風在遠勝豪華古信平

廿年先業在衡銓烏髮抽簪車早懸書可充梁傳舊澤
田無負郭助朝餐沙顏堤路生春草燕去空堂噪晚蟬
誰向西江挹尺水泥塗振甲破霄煙

咏扇頭虞美人花

謾誇脂粉寫生工扇底驚心起大風湘浦深痕凝淺碧

馬嵬濡血暈殘紅託身後素存餘潔假手驅炎矢寸忠
博得芳名傳紙上不隨春到漢家宮

秋閨月

窻橫庭樹影風送玉簫聲已似宮眉好旋看古鏡明雲
鬢侵霧濕羅襪步霜輕遙憶長征客相思上塞城

途中咏雪

疎林絮自急廣漠鳥應稀素蝶浮空舞冰花繞樹飛當
風白羽落障面玉簾圍有跡隨征馬無聲點客衣凍雲
棲古寺寒雁啄沙磯擁帚田翁喜垂竿漁父歛旗亭沽
價湧旅館爨烟微天地平坎壈豁訝幻是非梁山如可
弄遊子早謀歸

紀遊

兩月厭冰雪山城春未知半陰忽霽候乍燠又寒時紅
入桃枝淺青回柳絮遲鶯雛啼早樹燕旅識歸期車馬
勞肩息罇壘勝地移清歌和竹肉逸興暢塤箎花外飛
鷓急風前舞袖低羅衫輕試着弓襪暖初施小立依芳
草深情結翠眉瑟能工趙女禪可悟蘇姬歲月都非昔
形骸果是誰縱談揮玉塵取醉倒金卮落日邨高嶺村
燈透短籬遊人侵夜返稚子倚門窺盛事分題咏新詩
刻燭為良辰應再卜曦御去難追

雁字十咏

輕揮翰羽御長風天矯雲端格調崇排宕成篇書碧落

縱橫爲陣列高空箋裁錦繡秋霞麗墨漲江湖春浪融
龜馬未教靈秘盡好憑禽鳥著文雄

草聖無煩師晉賢鵝羣遺跡紫霞邊參差鸞鳳仙書見
婉轉龍蛇寶籙傳月下模糊觀舊榻雲中斷續綴殘篇
秋來多少干霄興飽染霜華洒碧天

清秋攜策過金門霜落潭空墨跡存鳥篆欲成山雨急
龍文半掩暮雲昏寄書不用人間字起草能留天上痕
筆底輝光爭日月豈容工拙妄評論

南北飄零惜羽翰漫將寥落洩毫端秋風蕭索知音少
時序炎涼獻技難絕意傳書衡嶺峻放情題字海天寬
世人方羨塗鴉好青眼誰能塵外看

風景無邊恁咏題著書行與雁峯齊山頭霞彩幻箋簡
湖面漪漣印棗梨筆陣層層圍遠樹墨花點點落澄溪
興闌暫息書空手鳳篆鸞章滿舊堤

鴻才高潔撰天章點綴昇平文物光書寄湘南迷夜雨
詩題塞北飽秋霜濡毫結伴詢奇字珥筆干時索稻粱
未若雞栖饒飲啄咏風題月自神傷

列國風謠誌舊遊煌煌天上著春秋身依碧漢文星麗
影落空江彩筆流曉月數行垂玉柱殘霞一抹曳銀鈎
西來妙意原無字笑爾紛紛亦浪求

文戰秋風筆力清五雲多處致身輕封章璀璨朝天早
翰墨冲融射斗橫錯落新翻古樂府紆迴巧撰短歌行

千金一字誰能易天際遙傳詞賦名
晴空萬里勒鴻文鼓蕩春雷碎墨雲霜落丹鉛紅葉滿
風來點畫碧霄分數兼奇偶傳河洛字洩菁華繼典墳
自有文章驚海內浮名爲謝管城君
莫嗟遲暮秃毛錐豐滿鴻儀答盛時塞外寒深曾作字
天邊雨霽可題詩一行南浦裁新曲隻影西樓寫怨詞
來往咏哦人莫笑文心曲折在於斯

秋夜留王逸菴小酌

論交落落忘形少對爾猶存肝膽真垂老身爲燕趙客
心期屠狗賣漿人
步兵老去仍耽酒供奉狂來只賦詩歷盡艱辛存傲骨

丈夫應不媿鬚眉

贈別母舅贊翁

杖策重來趙驅車復返燕山雲寒釀雪野月淡鋪烟慣
客輕言別無成怯問年歸途吊郭隗空以好賢傳

己卯初秋客都下

五月衝炎馬首東驚聞庭樹入西風十年奕局隨時變
千仞愁城仗酒攻客榻團圞來好月鄉心搖落碎秋虫
遙瞻親舍飛雲白孤影應憐似轉蓬

冬日宿寧昌鄭獲翁書屋閒話

落日挂長林寒煙散廣野重來漫五年仍騎款段馬夜
宿康成宅風物存古雅爲言行路難反覆無全瓦張陳

刎頸交忽為按劍者少年縱意氣放言多隙罅歸復緘
口銘吾過或能寡

立春途中偶成

驛路長歌慨以慷悠悠行路愧周行梅花逼臘三分雪
鬢髮移年數點霜春社竟辜隣叟約東風又趁馬蹄忙
恰憐舊燕迷香壘深院閒雲鎖畫梁

晚過新樂河

新草碧連空春陰漠漠中橋橫沙渡濶城枕大河雄耳
熱旗亭酒帆懸野岸風前村行薄暮績火透籬紅

慶都道上雪後車行

當頭雪打大於掌刺骨風來利似刀如此春寒人遠去

前途誰為贈綈袍

小嶽平時雪陸離車聲輾轉睡魂迷行來十里過山縣
又了放翁一卷詩

蝶

金粉春衫妙剪裁賞心次第衆芳開深藏葉底羅裙妬
小立花房紈扇猜常逐飛紅過別院又隨細雨坐蒼苔
晝長欹枕無情思孤影翩翩入夢來

蜂

晴日紛紛放曉衙細腰合住楚王家偶過藥園緣朱檻
忽向書窓透碧紗拂案膩箋粘硯墨捲簾焚篆上瓶花
春遊解識風流意偏逐簪香寶髻斜

鶯

門前芳樹綠雲稠
曉清歌繞畫樓常近烟村
搖酒幔
偶來江岸送離舟
驚回萬里關山夢
喚起三春兒女愁
豪客五陵挾彈過
玉鞭驚起柳枝柔

燕

迎社啣紅補玳梁
客來旋掃落泥香
輕陰帶雨衝花急
暖日將雛學語忙
芳草新塘掠細水
烏衣舊巷剪斜陽
年年不傍人門戶
愛住清貧宰相堂

喜雨

小樓一夜雨添秋
多少窮簷禱祀求生計
已酬南畝願
加餐聊慰北堂憂
不須租吏呼門外
且對鄰翁醉甕頭

自昔聖朝金玉賤
杞人豈為稻粱謀

早發松林店書見

殘冬行路苦景短
車聲鱗鱗中夜發
野黑雲垂如覆磬
枯林風聲轟毛髮
荒雞漸喚曙光來
籬邊燈火仍明滅
市口停車問酒家
浮竿銀光堆白雪
當鑪女兒恰十五
春色今年上眉額
近京學得內家粧
玉梅插鬢新服潔
侵曉澆寒勸酒醪
渾忘身是孤蓬客
人生聚散亦何常
窮途此意今人絕
故交多少在長安
相逢掩面如秦越

涿州北書見

蹇驢破帽燕山路
胡涼河畔風沙暮
路逢千騎擁香車
夾道傳呼盡却步
黃綃綉鳳五雲圍
畫轂盤龍七寶鑄

醑漿玉壺飲冰雪烟絲金椀吞霞霧烏孫貴主嫁東藩
出關遠拜賢王墓行人路左避飛驂閃縮林間稍一顧
珠環翠髻女如雲聯轡擊轂競馳馭最後一姝堪絕代
僕妾隨人伺喜怒風沙掩面泣無聲幽恨春愁向誰吐
汗駒常逐駑駘塵劉蕡不及顏標誤邯鄲才人嫁養卒
人生視乎遇不遇

京邸述懷

一榻蕭然滯帝京故山入夢壯心輕年華潦倒杯中
物事業升沈紙上名孤館羈愁侵薄醉高城曉角斷疎
更吾廬記得春來樂雨後晴雲看早耕

月下舟行

女牆月色淡如銀河繞空城叩柝頻廿四橋邊風景在
十年仍作浪遊人
岸柳籠烟澹有無蘆花隱現一舟孤何人攜得倪迂筆
為寫江南水月圖

懷舫詩集卷之二

賀吉水省齋司寇一百韻

間氣鍾匡嶺文輝映斗躔箕裘遺澤遠閱閱世家傳螭
陛勲猷著鯉庭忠孝宣劍光搖北斗金價重南天風月
開襟爽雲霄奮志堅閣明藜火照夢穩筆花眠八斗才
源瀉五車學海填築金來駿馬流水奏鳴絃胸富天人
策囊無封禪篇闢門思籲俊側席正求賢 聖主初親
政先臣未引年深恩承籟在大典凜冰淵驥足輕千里
珠光耀百川羣才衡玉尺萬選見青錢人醉曲江上花
開御苑邊科名傳赫赫丰度羨翩翩柳色侵袍袖香泥
濕錦韉登瀛推獨步歸院撤雙蓮國典恣探攷藏書肆

惺惺詩集卷二
討研珠璣流翰墨金玉重丹鉛講幄陳經正蘭臺奉事
虔芸香生寶軸日影凜花磚制草星雲麗綸章日月懸
縱橫文似錦揮灑筆如椽臣力宣勞久君心注眷偏
採風勞太史望氣識神仙八郡蒐髦俊三秦集惠連羣
英欣識者寸技得呈焉盛會棘園撤嘉賓雁塔延秋容
三輔好佳氣五陵妍漢苑黃花發新豐白草芊文名驚
宇宙詩思繞坤乾江左才華盛朝端譽望先斯文逢泰
運吾道見真詮化雨榮桃李春風茂梓杼頽瀾迴砥柱
生物荷陶甄雅操冰壺潔素心皓月娟昭明方古鏡清
徹比澄泉藥裹參苓滿口碑道路鐫九重專眷寵再歲
屢超遷秘閣傳天語綸扉接相權龍章光燦爛鳳羽影

翩躚曉箭催宮漏恩波醉御筵嘉謨陳九陛簡命佐三
銓四海均平藉羣僚董正專衡人例薄外敏事衮衣前
裴馬虛中席舉夔許並肩嚴廊崇碩德門館絕私緣峻
望隆揆席清風賃半廬入朝聞讜議退食檢藏編水旱
循天數流亡動帝憐繪圖求恤賑引領仰恩蠲八座
司肱股羣黎起仆顛冰霜嚴兩郡網紀肅千員北闕推
仁廣南畿命駕遙隨車沾雨露夾路望旌旄絳節臨襄
魏朱輪歷陌阡皇圖原浩浩厚澤亦綿綿青簡書勳
伐蒼生祝豆籩司空平水土常伯聳班聯萬里鳩材衆
百工蟻附全官階尊水部溝洫利農田偉績安恒岱神
謨導澗瀍靈臺周圍起積石禹功穿瀚海秋明燧狼山

夜控弦六師申誓出一戰凱歌旋恩詔加三錫捷音布
九埏大工方竣矣正殿恰巍然禮樂韜戈甲河山廣幅
幘梯航來九萬劍佩集三千寬大刑幾措煩苛法盡捐
公能昌國運 帝命省民愆國典持平允人心競被湔
慈仁頻顧復羅網罷拘牽睿慮方宵旰勞心在胼胝武
功清徼塞文教被黔滇輔弼思房杜益梅藉許燕陰陽
資燮理寒暑順推嬪一德君臣合三春草木鮮旂常爭
浴日圖畫擬凌烟孔李通交契雲泥媿往還窮途悲偃
蹇下里久連遭幼歲凋椿樹高情助麥船長征班馬別
遠涉短裳褰弔古閒敲句思鄉獨扣舷至今感煦拂莫
可報埃涓夢蝶成虛幻雕蟲事麗駢蠹窮寧測海魚得

未離釜潦倒甘牛馬飛鳴鄙鷲鷲安能心鬱鬱敢謂腹
便便徒抱齊門瑟空芳幽谷荃貧居依陋巷株守入枯
禪屢欲彈長鋏仍思獻美璿虛名屬紫禁半世老青氈
七尺羞嬰御十年滯祖鞭只因傷碌碌無以致戔戔觀
海求蓬島登龍仰岳巔青雲瞻變隼涸轍冀潺湲下士
恭申頌躋堂敬獻研寸心銘厚德百韻綴長箋

和朱悔人咏新城司寇庭中花木四首

紫竹

尚書閒庭竹叢篠垂蔭大輕陰隔世塵獨許高流過淡
月落青樽顧影成箇箇條達棲鳳枝鳴鶴自來和琅璫
寒玉骨高聳烟霞破朝回拂宮袍色映春風坐

桂

雙桂西風裏扶疎倚苔砌夜深白露零幽芬落天際憑
誰假玉斧早成攀桂計借援萬仞上其道亦危厲甘為
爨下薪清香終未蔽老去性彌烈剝落心轉細移栽月
窟中懷抱瞻光霽

建蘭

春生幽谷間習習陰雨薄植根王謝家孤芳欣有托晚
風徐然來暗香滿東閣有客咏猗蘭紙價高京洛世味
鄙清芬當門竟刈削誰是素期人泉石相培瀹芳心委
秋陽尚望霖雨作

梔子

庭前蒼蘂花枝枝寒玉碧曉來漑清泉水晶光瑩射蒼
苔蔭淺綠烟月生虛白翠蓋列小峯仙姝倚瘦石古稱
林間佛高吟記髯客猶墮色香界觀鼻成觸逆詩翁拈
半偈一笑空今昔

渡滹沱

十年馬首客陰雨復滹沱歸夢紫芳草春華逐逝波烽
煙消壁壘襟帶壯山河倉卒君臣意功名永不磨

過真定憶雕丘居士梁香林

諸峰天外好蒼翠隱雕丘中有人高卧誰憐客倦遊勞
塵侵短褐狹路避鳴騶欵段春風裏羞稱謁五侯

由定州道北上

二月輕寒賦遠征，敝裘羸馬過山城。河橋水淺沙痕落，
林樹烟微曙色平。華髮催人仍客路，黃金結士亦浮名。
白雲深處重回首，又聽春鴻三兩聲。

近京口占

我生十五恰遊燕，賣賦重來歲屢遷。春鼓打殘梅蘂雪，
風鳶衝破柳梢烟。香車寶馬臨京路，細草輕塵向暖天。
奕局崇朝衰盛改，西屏蒼翠自年年。

初授官十二韻

夙傲雲衢，翩初驚陸海。濤駑蹄原，櫪下喬木。媿門高龍，
起興王會。魚懸領簿，曹一官仍落落。比屋近，嗷嗷地迴。
江淮潤河，衝畚鍤操金錢。頒九府玉粒，輓千艘丹詔。沈

雙壁黃流掣巨鰲，田廬沈澹沆城市。蔚蓬蒿碌碌隨官，
長蒼蒼點髮毛。雕虫羞藝苑，司馬泣江皋。先業留鐘鼎，
微名托羽毫。長安同學貴，誰贈呂虔刀。

留別冀任中姊丈兼慰家姊

烏巷幽栖客蹉跎，一吏除江淮當此郡。風雨憶吾廬，霜
落遊人遠。秋高雁序疎，不須愁遠道。萬里念前途。

磁州途次見稻將熟

荷蓋珠圓，清露浮柳林。烟淡水村幽，稻花盡染深黃色。
疑似家山看麥秋。

邯鄲懷古

邯鄲有回車巷學步橋

名城消歇舊繁華，一片青山亂暮鴉。趙女何年辭錦瑟，

叢臺是處足烟霞悠悠岐路回車便踽踽孤行學步差
歌舞故宮無覓地夕陽落葉滿貧家

贈杜瓜里

饑來得句可如陶拾芥千鍾重折腰人惜留良逢聖代
獨稱遺事哭前朝興亡舊恨藏詩卷鄉相浮榮付酒瓢
蕪盡田園不歸去白雲拂袖入中條

泗盱勘水賦感

徐城繁盛歇何年塔影湖光望渺然唐宋清流終逝水
淮黃濁浪已稽天懷襄比歲勤宵盱昏墊千家寂管絃
聞說僧伽三百尺可能一柱砥狂川

盱眙玻璃泉

雲氣浮林白巖光罩水清珠含龍有象潭印月無聲鑿
影生禪悅興波冷宦情上池如可飲更欲濯吾纓

湖邊聞笛

細細來風岸悠悠到客船吹殘山嶺月夢斷野湖烟一
曲江梅落終宵華髮鮮鄉關庾信老應負卜金錢

碧山湖水神廟前泊舟風阻

碧山湖外泊輕舸滿眼煙波首倦搔水廟風燈春灼灼
舟人醉語夜嘈嘈村巫簫鼓靈旗動商妾琵琶江月高
我豈潯陽遷客侶忽多清淚落綈袍

贈盱眙彭廣文

青衫白髮隱江鄉晚出淮濱坐講堂客至登盤惟苜蓿

詩成浮紙有烟光甘貧自耐官廚冷却老應咀道味長
不遇漢廷蒲轂詔也須瀛海授丹方

淮河東下

豪吟是處寫孤懷又看浮山秋色來人傍暮鴻投遠浦
舟如寒葉下長淮嘗為詞賦依劉計徒負交遊說項才
幸有佳賓相慰藉官齋暫作故鄉回

金陵懷古

羣山夾岸盤龍隱六代消磨王氣空香結梅枝留歲晚
春隨宦跡過江東烟嵐西塞凝寒碧楊柳秦淮動曉風
十六樓頭歌舞歇孝陵松老野雲籠

送蘭州黃琅書之任

泊舟禹會村

關河何處寄離思怕折風前新柳枝明月懷人經禹會
春光逐馬到秦畿漢廷夙重安邊吏遊子遑吟將母詩
情似清淮千尺水難隨孤棹向西移

壬午除夕蒙城賑饑

一夕孤吟隔歲春竹聲燈影慰清貧自離子舍于微祿
常去官齋作旅人比屋饑寒思衽席頻年意氣老征塵
夜來幾點疎窻雪飛下梅梢入鬢新

癸未上元泊舟亳州

寒星燦爛春燈影虛籟飄飄絲竹聲身對歡場嫌老大
民多樂事喜昇平酒香細貼迴風岸火樹高燒不夜城
滿市烟塵歌笑雜遊人負盡月華明

燈花

孤影搖空壁清輝結短檠常隨月桂吐應伴火蓮生色
豈爭春艷心難向日傾話長渾未剪留卜遠歸情
香藥生殘夢輕烟續斷魂風光時變態雨露罷承恩漏
永心難燼花垂淚有痕熱腸終未冷火宅種情根

行路難

行路難青天蜀道上躑躅不似長安紫陌紅塵路蠶叢
一步九折盤朝出東華擁千騎暮入西曹對獄吏世事
原當說夢看剪桐封拜真兒戲猶記宣麻初命相勳門
戚黨爭標榜稚子金章佩徹侯蒼頭勢與公卿抗免相
開園積翠東啣盃亭迴入春風啣盃亭名月明天樂鄰牆過

花落流泉御苑通百年富貴那堪記禍機駭發誰階厲
詔書切責落貂冠旋遣金吾圍賜策虞卿慷慨俗久移
魏其淪落客應稀公孫白首尚刑戮奚用人生寵利爲
城中奕局崇朝改城外青山自千載

京師雜感

三十飄零愧壯遊蕭關畫掄賦清愁驂飛驛路塵常起
雨過山樓暑乍收燕趙悲歌遺俗遠京華冠蓋故人羞
倚欄獨羨鳴皋鶴直上高雲天盡頭

暑雨荒拋郭外田南風伏枕手殘編當官跼蹐非吾好
得句狂呼取自憐薄暮投村陳草具未明舉火喚官船
室中人勸君休矣鄧禹封侯已十年

時余年
三十四

誰憐先世舊勳名千騎紅塵謹拜迎
勢在小兒應束帶
貧賤拙婦謝支鐺
笑啼一晌都無賴
花月頻年負有情
京雒重來訪屠釣
黃金臺下說平生

督運舟行雜感

千家估客市雙漿
使臣船簫鼓漁村杳
盤餐鮭菜鮮黃
河天上水青岱海邊烟
我羨垂綸子乘槎古浪傳
浮達通周粟隨刊高禹謀
鶯花三月夢風雨半帆愁
歸興輸春燕名心媿野鷗
當年潘岳鬢遲白耐清秋

留別家農部仲兄

雁陣飄飄片影單
相逢各話一官寒
年年乞米為郎久
碌碌因人作吏難
盡典春衣謀共醉
分藏手澤念貽安

離羣又隔層雲外
惆悵姜家半被寬

留別都門親友

京雒連旬偶聚萍
秋風高吹斷蓬輕
重來不改惟山色
別後難聽是雨聲
明月床頭孤客夢
斜陽馬上故人情
相思未買山陰棹
早向江皋寄杜蘅

瘦馬

瘦馬荒山下沙寒
臥倦嘶况搖玉塞
火血漬錦鞵泥百
戰瘡存骨重邊鐵
踏踏應圖如市駿
不在大宛西

衰草

衰草沒山脚披搖
力不勝黃昏起野
火歷亂着寒燈斷
梗沙塵遠孤根雨
雪凝青青望何極
春至屢無憑

野突泉步 先運司伯父原韻

玉屋仙源幻有無琉璃半頃擁冰壺飛來鷲嶺峰常雪
移近神山海欲枯黃鶴往還消歲月玉龍鱗甲落江湖
桑田他日何人見洞出金鰲地軸孤

桃花篇

桃花開向空山邊山村寂寂絕炊烟種桃老農近餓死
桃花爛漫開徒然去歲花開翁尚健呼兒花下澆清泉
力耕山田催種黍擬向花前常醉眠寧知隔歲妻溝壑
難瞑看花雙目懸獨餘少婦當窓泣自憐妾貌似花鮮
翁死夫逃一身在花時風雨怨綿綿阿母逼兒嫁遠道
金夫買妾上商船妾家本爲饑寒破忍見豪門酒肉闈
妾去夫回花自好紅顏無色花增妍甘心餓死埋花下
化作飛花墮夫前原上東風幾度新落英埋玉總成塵
夫歸惟有桃花在不及桃花兒主人

登岱

羅列羣峰盡帝孫蒼茫雲水接無痕巨鰲撐距坤維圻
若木浮沈日谷昏天下一人猶北面寰中萬嶺盡東奔
向平蠟屐遊難遍一瞬收來眼底存

五嶽獨堪稱長雄裡宗柴望歲巡東氣通巨澤高原水
帝出青陽大塊風芳草自生替路古白雲常護禪臺空
蓬萊何處藏靈藥望海峰頭目欲窮

五大夫松

鞠躬當道拜秦官翠蓋青幢歲久殘不共魯連東蹈海
却來輦路候輿鑿

海燕篇

為姚門貞女賦姚女未嫁而夫亡因之夫家吊喪遂不返坐臥
一小樓三十年卒於樓上燕子雙栖感而移巢至今此樓無燕

止

畫樓深窈朱欄曲湘簾掩映紗窗綠樓中十五女盈盈
未賦標梅歌黃鵠不惜玉顏為君死傷君未見顏如玉
芳草新花盡刈鋤種松移竹冰霜屬小院年年春不來
妾家永謝東皇辱翩躚何處兩烏衣牆外簷頭款款飛
似欲雙栖留畫棟似知貞女守孤闌喃喃相語辭巢去
靜掃花香與泥汗別向芳園紅紫叢閒剪落英掠飛絮
一從燕去玳梁空歲久人亡墓草豐竹自枯兮松自老

更無凡鳥窺簷櫳江南江北鶯花麗此樓曾不識春風
過明仁祖陵感賦四絕句

骨肉什離釜甑空一坏黃壤乞隣翁假饒二頃田依郭
終老荒村草木同

作帝歸來歲屢移荒丘宿草信終疑昭陵無處收娘骨
安用身生天子兒

漢高母不知死所招魂
而葬稱為昭陵夫人

藁葬當年迫亂離草蛇灰線復何知子孫十代為天子
曾否金繒訪地師

艱難開國紀碑豐已見銅駝荆棘中翁仲相看無一語
平臺召對宰官同

明懷宗因寇急召對大
臣問計皆俯首無一語

觀魚臺

振衣凌高臺俯仰尋魚樂非我亦非魚臨淵將奚託一
心爲物役相攘生六鑿池潦聚鱣鱣滄海游鯨鯉物性
貴各適合蓄有厚薄誕哉漆園叟魚我得糟粕觀海經
聖門昭然見魚躍

石塞

萬歲山頭生茂草淒淒風雨悲野老石馬無聲荒隴寒
牛羊日夕來神道幽宮起役命通侯親灑宸章紀妣考
黑山賊騎一朝來三十萬松迹如掃畜兵養士三百年
長陵一坏土不保自從塞上落降旗壁壘於今半傾倒
路人指與斷垣看似聽白頭說天寶

見餓殍

聖朝胡有此掩面轉茫然庶免饑寒迫能無妻子牽風
沙曝白骨酒肉憶華筵歲歲青原上還應缺紙錢
不幸生貧賤艱辛復幾春卽今甘餓死念昔本良民冠
蓋啣恩衆瘡痍問詔頻溝中誰起此再使被堯仁

和韓寄菴韻答贈

維皇春省脩明堂清塵除道盱山陽萬里應圖求駿馬
寧知冀野有留良甘泉長楊作賦手黼黻皇猷增輝煌
那堪垂翅三十載倚門抱瑟調清商如君之才未見用
古云其責在廟廊余媿父書幼失讀文瀾學海徒望洋
風塵艷羨登仙客石渠天祿珮鏗鏘更有高才艱一命
轉覺沾沾尤怨忘况昔孤臣伸大節碧雞金馬妖氛颺

平原名姓尚未識忠魂烈骨埋幽香

寄菴之父值
寇變殉節

世稱好

龍惟葉公五色炫目少真龍賣賦君能通狗監此身早
致朝班崇丈夫遭時有通塞契濶非是詩能窮才人本
具神仙骨擷餐蘭芷裳芙蓉李杜不因拾遺供奉一官
重此論待君相折衷藏諸何山傳者誰甘呼牛馬非羆
熊余久浮沈江淮間聲光寂黜明聰邂逅多君存大
雅蒼茫湖海兩孤蓬春山高閣唱新詩冷然天籟飄虛
空羨君游覽遍海內時有奇觀紙上逢緇塵障目一開
卷清氣灑渺滌襟胸作客應知艱行路蛾眉豈止妒宮
中捷足既已獵富貴又嫉窮愁詩易工寧使詩成泣神
鬼勿為句好驚凡庸鉛刀今方誇游刃干將莫邪之鋒

非篋而深藏或遭鎔

再宿舊縣寺

甫咽新蟬歸路中重來霜雪到梅叢此身久認虛舟幻
爾室方憂懸磬空水逼枯僧杯遠渡貧憐季女首飛蓬
濟民賴有賢開府入告慙懷饑溺同

咏古九絕句

投竿東海踞津要求魚良苦無魚吊一朝僥倖得吞舟

任公可謂工於釣

任公
釣

徒然一賦傳鸚鵡終以能言悲鍛羽有人遼海類冥鴻

高飛不弄漁陽鼓

正平
鼓

盱食貽憂在楚昭更因宗戮悞王僚吳亡越辱宗邦覆

二國傷心一短簫子胥

論交生死何移念死者復生言不饜世上紛紛白首知

乘危方按延陵劍季子

不聽婦人言者乏劉郎雅善脩家法鹿車多遣一人隨

九原何處無整鋪劉伶

縱橫六國攻函谷秦人屨負無亡鏃不似悲歌燕市盲

能令五步驚投筑漸離

王子丹成上玉京曾聞丁令自呼名緱山月夜鳴天籟

人世虛傳鶴駕笙子晉

十九年間飢嚙雪却從漠北留雙孽去帷乃有子卿妻

歸來媿見無毛節蘇卿

難平禍水炎風變三復詩言傷艷煽臣妾中如辭輦人

不應輕棄同秋扇婕妤

過合肥李文定公墓

西風吹墓道宿草自青青東閣陪邀月余常在文定坐間承明正

戴星土花融秘器淚雨濕碑銘已得眠牛地還移旋馬

廳先相國京師臥遊堂舊第歸于文定今又別售人才憐在野國是感盈廷文定常告余卿班持議每有首

鼠台暗悲遺照鶴歸想墮翎祠堂封霧靄絲竹冷池亭

公昔參新政生方齒弱齡十年依斗岳半刺愧飄零薄

海思者舊中朝失典型下車拜高塚秋色滿郊坰

重到廬州

魏武雄爭地重來二十一年秋山新濯雨遠郭晚浮烟鬢

雪經愁染曦輪任力牽女墻今夕月去後幾回圓

呂亭驛曉雨山行

曉來烟雨暗前山低駐行雲濕翠鬟萬里霜鴻風瑟瑟
十年客路鬢斑斑寒生高嶺秋常早鐘落長林僧正閒
滿地松花印虎跡高人定隱此峯間

途次口占

江淮留滯感秋多三十年華一擲梭當日故人皆顯達
今番歸計又蹉跎須知棒檝為親喜若待成功奈老何
肯令放閒惟抱膝長吟不唱飯牛歌

練潭旅寓和孫穎州原韻

門前車馬往來頻盡著先鞭競要津此去莫迷登岸路

卽今誰是濟川人虞卿好客終辭趙張祿常貧已相秦
試問青山橫渡口曾看世局幾番新

廬州道上

颯颯西風路濛濛細雨中雲來失遠嶺水落見饑鴻牧
笛草湖岸人家烟樹叢泥途行薄暮漁火隔溪紅

晚行湖中

人情盡好逸作吏勞獨劇揚帆入野湖滄茫日之夕暝
色來遠岸狂濤震旅魄豈不怯風波簡書畏指摘旣已
忘虛舟轉覺湖海窄倚棹發清歌驚起魚龍蟄此行堪
自慰難語千金客但媿筆無花為文紀奇跡

春日村庄

南浦東華感望頻田家別是一天春濃烟宿柳藏深屋
細路穿林見野人岸草漸看勻淺綠歸雲又欲作輕陰
風光盡逐夢塵去徒負年華刺眼新

秋日遊禪窟山寺

僻處風積陰巖古寺懸長林過馴鹿側坂亂流泉秋
林寒影丹楹綴野烟竹高雛鳳舉松偃老龍卷石枕
孤石自靈巖幽燈邊玉螯昭幻跡文虎制枯禪捫壁雲
侵宇探奇洞院天沈灰千劫洗靈谷五丁穿潭靜霜初
墜賓來鳥自傳籬花接佛座檻筍奉僧餐清磬猿移聽
新苔鶴襯眠掩關塵正遠縱眺思仍牽法界花為雨空
山日似年暫留俗士駕半偈奉金仙

送臨淮高令艱歸

西風鄉國路把袂送君歸孝感添華髮慈恩夢素幃還
家無長物解綬少危機猶有淮濱衆其咨召父違

申春余有泰山之役賦桃花前篇以誌無年歷一
載而重來濠上值北郊桃花盛開賢宰陸君邀
陪巨峯太守遊賞復賦桃花後篇雖年時饒歎
民情苦樂風旨未同而花事盛衰朋儕聚散其
感慨無異耳

去年看花青岱麓今年看花長淮曲千里桃花一色春
孤踪日轉花間轂東皇垂淚嫁紅兒經旬風雨欲花時
連曉新晴送輕暖萬株無有不花枝陡山春色憐春望

花城十里朱霞漾飛塵尾馬入香叢紅粧夾路開屏幃
江東仙令舊機雲花縣青原懸斗帳為邀太守醉春風
容我疎狂側座上清絲哀管盡新聲纔歌一曲花都放
醉看花勢愈縱橫亂踏芳林逐落英紅飛夜雨香茵軟
碧襯新苔蠟屐輕野老自今傳盛事不須五馬已春行
花下又逢老圃語十年身未到城府官清政簡農必閒
三時全力營生聚比歲花繁結子稠錦陌花村皆樂土
城中太守今為誰無乃漢代龔黃伍吾聞後民樂者先
民憂太守今方暢此遊溯洄清淮駕蘭舟吹笳擊鼓震
中流燈明月皎烟雲收重翻水調唱歌頭更進斗酒君
辭不明歲花開誰去留

自盱舟返小留舊縣寺中而去

碧山湖口戀漁磯雲影波光照空谷衣黃葉寺前僧耦語
白沙原上雁橫飛獨尋幽徑藤枝瘦飽飫香廚菜甲肥
落日斷霞啣遠嶺馬煩車殆已忘歸

懷舫詩集卷之三

漫題

象緯經天霄漢高人間近得見織毫版圖萬里飛龍馭
翰墨千家落鳳毛貝葉經文供白馬黃麻詔紙慰青袍
傍花隨柳名園裏紈扇深恩恰鬱陶

蜀雒遨遊豎大勳封侯肯識陣前雲銀屏珠箔樓船第
繡甲金刀細柳軍南國佳人朝素面大宛汗馬散花文
呼韓久獻臙脂塞顏色曾無上練裙

廣漠寒雲積水東青衫蒼髮雪霜風巡行瓠子河防古
割據蕭梁淮堰雄無復鳴珂歌扇底淮工已成猶聞堆粟

怒濤中明祖陵眼前何事看如舊不獨違時拙道窮

在水中

行殿雲霞動畫梁綺疏繡幙綴燈光鑿鳴碧草迴金勒
臺鎖春風倒玉觴漭沉魚龍新輦路蕭條瓦礫舊椒牆
青青移柳長條盡客至驚看海樹桑

宿紅心驛

烟鎖寒川樹山橫古驛亭梅風吹鬢雪松月落袍青斷
夢淒歸雁長雲暗客星荒雞栖老屋叫破夜冥冥

關山

關山牢落五更風裘馬寒途逐斷蓬殘月侵霜千澗滿
曉鐘隔水一林空雪留細磴冰常結霧隱高峰日漸紅
欲向巖阿探梅信春光曾否過江東

除夕前二日漏下十刻渡江宿江樓

歲晚江城十日停絕流夜渡水雲暝孤舟浪捲千堆雪
遠岸燈懸數點青風雨淒其懷故國山川浩渺感新亭
小樓寒重難成寐枕上驚濤着意聽

萬家山

峻嶺橫迤積翠饒泉融石潤雪初消登峰歌嘯思高步
夾路嶙峋愧折腰竹寺踈鐘清午界松溪幽籟動寒潮
筍輿俯睨山城近興廢憑誰話永宵

小憇定林寺

夏木叢陰覆禪關曲徑通煙霞籠佛日燕雀趁鈴風衲
老瞳全碧山寒榴半紅松龕一伏枕塵夢隔雲中
丙戌新夏題張玉菴表姊畫冊後

念年音冷浙江潮墨妙知名齒未齧椿老一枝栖越幕
瓊寒四壁咽秦簫盧郎才調仍貧賤孝女碑詞久寂寥
姊曾封股救親花鳥春城看畫手江天離緒滿生綃

桃花三篇

丙戌春在無為官齋中作

又早飛紅墮軟塵桃花詩句逐年新山陬水澁曾留賦
另寫江城別樣春江邊雲霧連洲渚曉壓江樓霏細雨
錦繡溪旁笑靨開芙蓉峰畔櫻唇吐石丈臺前花更妍
米家軼事少花船墨池波瀾桃花影風景依稀濯錦川
濁世誰人存潔病天桃作供香魂淨風勿飄搖雨勿狂
武陵誰見千年盛回思聚散與花同九十春光廿四風
舊日花間沈醉者人自飄零花自紅桃花慣醉孤蓬客

故人落落成今昔麗舞清歌懷趙勝素車白馬別高適
聞道青齊歲轉豐開謝桃花易主翁又聞河決清淮口
桃葉桃根注海東隔年花事田為海鏡中恠底朱顏改
我本江淮淪落人名心減盡清狂在還惜江城絲竹饒
留春歌舞竟春宵難期桃熟三千歲且醉桃花一萬朝

舟中晚行

落日孤帆遠荒城暮靄中蟬聲柳岸露花氣水亭風野
濶天垂幙林昏月墮空漁歌清夜起人在楚江東

江上甘露寺

誰解逢場認幻緣偶來荒寺聽新蟬林間金碧前朝塔
江上檣桅何處船白鳥去邊惟野水青天望裏有浮烟

松陰坐久寒濤急
炎界塵思早脫然

宿芙蓉嶺

西屏飽看翠嵐均
縈夢青峰隔歲春
客少長繩牽去日
山無好面對勞人
緣溪馬踏黃昏月
橫嶺雲遮烟火塵
得卧嶺頭滋嘯咏
芙蓉清冷觀詩神

輿簾

寒窻機上紗隨我
遠離家過雨雲常濕
看花霧半遮一
肩消歲月萬里飽
風沙悞爾黃塵路
攜歸護墨華

胡氏園亭

長夏江村裏清無車馬塵
水邊白鳥狎門外綠秧新
扶杖過隣叟披襟對古人
晚來山雨歇溪漲好垂綸

初秋登采石磯太白樓

連江秋色入高樓
遠岸晴山翠欲流
去日驚心供客路
浮雲碍眼亂鄉愁
百篇斗酒皆陳迹
千里孤帆媿壯遊
應少碧紗籠舊句
但留清嘯在烟洲

余丁卯年曾題詩於樓壁今塗堊矣

仙才豈合在人羣
身死徒然仙去聞
薦士虞淵取墮日
諷君水殿貯行雲
不逢醉監羞知己
無敵花溪許論文
念載重來祠下拜
江天風雨正紛紛

初秋金陵歸途

新涼時節傍江行
陂轉崑迴溪路平
山外雲來將暮雨
林間蟬噪已秋聲
興亡南北天難限
行役寒暄歲易更
曾照齊梁歌舞月
夜深還到石頭城

初秋自酌

搖落逢秋莫減懽，新涼特遣酒腸寬。
浮杯有物供殘睡，探篋無衣怯早寒。
變盡世情惟冷熱，賒來村釀半甜酸。
浩歌方謂江湖窄，醉向任公借釣竿。

卽事

驛騎停官柳，漁舟繫野塘。
孤峯浸水碧，千畝接雲黃。
簫鼓喧秋社，牛羊散暮崗。
前村沽價減，卽此驗豐穰。

晚宿西山驛

筍輿晚過柘桑村，老屋頽垣林木昏。
鐘透暮雲鳴斷谷，犬迎歸客吠當門。
酒能引夢為莊蝶，句或如騷問楚魂。
醉坐豆棚爭說鬼，談諧人笑類齊髡。

赴皖途次寄遇安

細草晴沙木葉黃，清齋又隔野雲長。
此行入眼多秋色，昨夜當頭共月光。
君對蟲階吟嘖嘖，我逢塵海事茫茫。
淮濱卑濕成衣未，歸採芙蓉爲製裳。

送九畹戴子赴京

有序

九畹戴子淹貫天，人遨遊吳楚，依劉有歲，李鄴侯盡出藏書，說項多人。徐孺子忽來下榻，清齋問字，白鷺換去如雲雪，夜聞歌紅豆，拈來似雨。快瞻雅度，喜唱新詩，將秣馬以膏車，暫分題而刻燭，聊爲短句，以壯長行。

長年賓客重荆黃，先業藏山借表章。
雨雪寒途來好友

梅花官閣放新香論文樽底憐同調顧曲燈前感異鄉
聞築金臺召郭隗夷門每過意難忘

九曉將由宋衛赴京

雨夜宿烏衣僧舍

燕子棲誰處江東事若何黃塵新結駟烟草舊鳴珂寺
僻僧茶晚山寒春雨多空階作細響已遣夢緣魔

丁亥初冬寓茶菴村偶成

兀兀騰騰俗吏身詩情新減宦常貧辭家恍惚親千里
餬口淹留歲七春拋擲棋思多半局飄零酒盞動經旬
先生自定官評確冗長官宜冗長人

香山有司馬人間冗長官之句

仲冬月朔日盱山道中

霜草沒平田寒雲貼遠天再如逢朔日又是迫殘年策

馬江湖外行吟風雪前知無豪邁志故態惜翩翩

賑饑天長曉發和周旅亭韻

朱門舞袖擁歌鐘徒賦三星念二東盡室力田逢儉歲
幾時乘屋蔽寒風自知考政催科異誰解憂民飢溺同
好譜霜原入圖畫先須着意寫哀鴻

旅亭精於畫

和東坡四時詞原韻

閒階疎雨催花落寒留小閣垂簾幕池邊新水護梅根
樓頭晴日烘桃萼東風飄蕩冷香肌遍倚朱欄知憶誰
幽恨自憐渾瘦減懶薰蘭麝試春衣

日轉柳陰蟬韻永雨來水檻荷香冷翠袖踟躕扇影低
碧窻浙瀝竹聲靜閒拈雕管黛蛾顰欲寫新愁箋自勻

樓上湘簾常半捲，火雲望斷未歸人。
花陰曲徑苔生綠，露珠靜夜滴脩竹。
半痕涼月照清砧，幾星螢火明深屋。
羅幕低垂窻半扁，夢回落葉響空庭。
階前蛩語樓頭鼓，多少幽閨腸斷聲。
城上嚴霜吹曉角，閨中思婦傷情薄。
長夜裁衣動遠愁，高寒邊雪非時落。
牆外平林棲晚鴉，樓頭一抹暮山霞。
臨風玉笛休吹徹，已落庭梅滿樹花。

哭先兄臨洮憲副蒼霞公

十年領郡嘆淹留，丘嫂先亡力乞休。
有詔邊庭叱馭去，無人故里挽車遊。
中途賦句悲潘岳，暮景傷心老鄧攸。
兄弟那堪復隔絕，憑誰萬里慰孤愁。

兄在荆守任內嫂亡乞休及奉特旨陞任到蘭又連喪

二子是以感傷嬰疾

薦章交錯表名勲，釐保邊氓陝右分。
夢裏還家山墨色，

病中哭子淚丹紋。官貧囊載隴頭水，

赴蘭路有之水之處

親老魂招

塞上雲憂解，傷人從古有空聞。屏酒遣朱裙，

兄曾被薦四次特陞臨洮聞病

中戒酒遣妾卒亦無救時余叔父存菴公兄生父也年已八十餘矣

瀟灑曾無染，吏塵豪華久薄五陵春。

兄生平無俗吏及貴公子習態

漢西隴

右真廉吏趙北燕，南一酒人廟享已登邊。豆食英靈復

幻宰官身，

兄故後蘭人即祀于廟廡且有賈客四人於蘭城外白日見兄隨騎從數十乘風東去聞蘭悉知

家無長物

仍何憾，天子親呼名姓頻。

癸未年上駕幸柏鄉親呼兄名數次

丹旄西來雲黯低，蕭條門巷舊沙堤。塵封東閣書籤積

霜隕南原墓木齊。哭罷怕聞鴻獨啖，葬時可有鶴雙棲。

歸兮塚畔營祠舍春曉躬耕雨一犁

金陵夜成

南朝佳麗地無日不笙歌綺錦纏頭重清商拈豆多帳
中春好在樓外夜其何獨有孤愁客興衰嘆逝波

金陵返棹感賦

王氣徒銷歇江山倚棹看繁華六代盡烟雨萬家寒烏
巷移新貴紅樓失舊歡沙邊餘白鳥浩蕩狎風湍

金陵買梅攜歸賦絕句八首

折得江東梅一枝惜春常怨賞春遲官貧無物為花供
照影清泉尚滿池

淨洗鉛華冰雪清仙山覓遍見雙成人間金屋原粗陋

今貯儒家古玉瓶

餘習繁華沿六朝秦淮花價玉同高一株買得十千盡

聊慰羅浮夢寂寥

瘦影幽香怯峭寒江南江北雪漫漫護持費盡閒情緒
換得梅花一飽看

雪中映月看瓊樹池畔迎風遇洛仙且喜愁消何水部
無傷春老杜樊川

月暈清光燭暈紅梅梢春意較春穠能為宋璟流傳賦
合與名花作主翁

攜行山驛水雲寒雪骨風情畫作難欲秘幽香無錦帳
多應妒殺路人看

花間品賞舊無成粉褪香消歲屢更慚愧生平骨相薄
那知頑福結花盟

清流關口占

松嶺千章合青峯一逕開寒雲高不動冰澗折仍回惆
悵虛梅約原擬歸路看歐
亭梅花不果登臨媿賦才艱難興業日曾此渡
關來

雪途感述

冰雪紛載途北風勢轉惡白日慘無色山高路參錯馬
股沒深泥盤迴青壁削山泉凍不流崖崩橋柱弱陰壑
走長風沙水白漠漠乃知行路難不必在川嶽履險漫
震懼愧膺道力薄猛士萬里外轉戰夜寥廓豈似輕裘

兒身安名寂寞

田婦赤腳踏泥

汲水臨古井取土近陽坡田婦赤兩脚寒裳如涉河豈
不遠汗穢歲暮寒風多踏泥塞戶牖廩困亦塗磨貧家
計溫飽作苦惶恤他東隣有麗女工畫雙脩蛾近從京
雒回學繫長裙拖纖腰掛鴛鼓旋擊舞婆娑富兒綺席
前能唱濠州歌脚跟較此婦汗潔當如何

山行

彌江三日雪一夜雲翳掃寒威晴轉烈敝貂何草草冰
雪日山行塵嬰愧幽討嶺高景又暮昏林月靜好俯仰
愧僕馬卒歲缺溫飽歸營土室居取徑謝捷巧

寄仲兄磐菴出守岳陽

一麾遠郡又新除湖濶江深阻寄書有弟題詩山雪裏
別兄去國菊黃初文翁化俗隆平後張仲傳家孝友餘
為訪嶽陰祖廟在甘棠祝頌近何如

余自未秋別兄出京
衡陽有祖上名宦祠

戊子初春同周旅亭暨兒輩遊明仁祖陵用杜少

陵崔氏東山草堂韻

南原殘雪靜輕塵綠上陵垣草又新野水荒山立石馬
欹橋斷碣感遊人青燐火冷埋鴛瓦金粟堆空長翠芹
欲問王孫久淪落離離遣怨在松筠

初春舟行仍用前韻

蓬窓嘯倚隔清塵柔櫓輕舸春水新歲月飄零無長物

江山佳麗有陳人細鱗入網旋沽酒香稻流匙且薦芹
滿目烟波堪娛老買山遲暮值松筠

舟中慰歌者病仍用前韻

南樓雅奏動梁塵淮水深波照影新

歌者自江陵
來遊淮上

司馬愧

非題柱客扁舟却載捧心人傷春欹坐歌紅豆病酒閒
行採綠芹欲藉笛聲寫哀怨翻多清淚落湘筠

周友旅亭偶出其故人吳子旦清近體見示取梅

月江雲夜林泉霜谷鐘十物為題而俱冠以寒

字豈有心於閬仙之逸趣耶館舍春微雪霜未

減漫和原韻聊景前型熟客見之勿動冷哂

寒梅

官閣題詩夜垂垂照髮新
占春香自古入夢影逾真
霜月聞橫蘧冰天寄遠人
幾枝風雪裏幽怨滿江濱

寒月

方升枯樹杪已脫雪雲端
小院清砧急征人遠塞寒風
高羅幌薄香冷繡衾單
永夜留孤影關山夢易闌

寒江

風急添新漲冰沙擁亂流
屯雲高白帝捲雪咽黃牛
雁冷孤洲濶天空落日浮
漁舟烟渚外舉火見寒鷗

寒雲

日黯凝霜曉風高釀雪天
迷離栖野寺歷亂起寒川
細貼梅香穩輕浮竹翠懸
何方行雨倦歲晚駐簷前

寒夜

戶掩人歸後更長漏下初
衾閒取醉呵凍偶臨書寶
鴨浮香冷寒輝照夢虛
今日風雪急訪戴興何如

寒林

幾株村寂寂一望雪森森
葉飄金馬風枝響玉琴
扶疎留月淺淡漠織烟深
何事昏鴉集卑棲感客心

寒泉

高訪仙源潔一泓欲濯纓
亂沍侵月白懸瀑透雲明
霜壁含珠滴蒼芝帶雪烹
煩襟庶淨洗火宅更何營

寒霜

竹間粘冷翠月下耀清輝
瓦脊浮花淺橋頭印跡微
湖

山朝潤集逕草夜零稀曉起推冰信沾濡在短衣

寒谷

鄭子披裘處愚公咏雪時音空原未絕春去竟何之洞口花將發山中歲未知為陵如可待喬木是遷期

寒鐘

數聲雲外動身世誤栖栖僧立高樓上音迴曲澗西星霜隨夜柝雨雪伴寒雞敲徹殘宵漏驚回鄉夢羈

